



UNIVERSITÄTS-  
BIBLIOTHEK  
PADERBORN

# **Enchiridivm Chronologicvm Sacræ Et Prophanæ Historiæ**

**Salian, Jacques**

**Coloniæ Agrippinæ, 1638**

Capvt IV. Quid sit Epocha Chronologica, quamq[ue] multiplex.

---

[urn:nbn:de:hbz:466:1-64957](https://nbn-resolving.org/urn:nbn:de:hbz:466:1-64957)

## *Ad Chronologiam*

res gestas suis tribuere ac designare temporibus, & vtrisque eam adhibere diligentiam, quam ratio postulat, id vero laudatissimum est, & perfecti Chronologi proprium munus.

---

### C A P V T IV.

*Quid sit Epocha Chronologica,  
quamq; multiplex.*

**F**T quoniam infinitior est Ratio temporis vniuersè sumpta, Chronologi quosdam sibi terminos insignes, maximèque vulgò iactatos constituunt, quos vocant Epochas, quòd vagum temporis cursum inhibeant; atque determinent, & à quibus numerandi principium petant. Verbi causa, quo anno à mundo condito natus sit Christus Dominus; quoto à Noëtico Diluuiò, ab ortu Abrahamæ, vel Mosis, ab exitu ab Ægypto, aut lege data: quo ab excisa Troia, à Templo Salomonis condito, vel euerfo; ab exordio Olympiadum, ab Vrbe condita, vel à Regum fuga. Ab initio Imperij Assyriorum, Babylo-  
norum, Persarum, Græcorum, atque Romanorum, & alijs id genus quamplurimis. Quas Epochas in Annalibus nostris iam pridem non negligenter

## Introductio

genter obseruatas, in hoc quoque libello retinuimus.

Eodem referuntur diuisiones, per certa quædam temporum spatia, & quidem paulò maiora, ne memoriam multitudo perturbet, qualis esset horarum, dierum, hebdomadarum, aut etiam mensium nimis accurata ac numerosa collectio: sed annorum, & quidem plurium, nempe quatuor, vt in Olympiadibus, septem, vt in Sabbatistis, quindecim vt in Indictionibus, nouendecim, & 28. in Lunæ Solisque cyclis, quinquaginta vt in Iubilæis, centum, vt in seculis. Plerique etiam totam mundi durationem, & quæ iam antecessit, & quæ deinceps futura est, in aliquot ætates, similitudine quadam petita ab hominum vita, partiuntur, quos in hoc Enchiridio nos quoque imitati sumus. Nam Mundi quasi Infantiam ab ortu rerum, ad Noëticum vsque Diluuium, dimetimur. Inde Pueritiam eius exorsi, eam Abrahæ natiuitate, aut uocatione definimus; & ortu Mosis Adolescentiam: Iuuentutem ad Regum Hebræorum dominationem vsque producimus. Eorum autem Reges, ad Imperium vsque Cyri, virilem ætatem comprehendunt. Senilem ætatem,

*ad Chronologiam.*

ætatem, spatio quod intra Zorobabelis gubernationem, & Christi Domini natiuitatem intercurrit, circumscripsimus, quæ sexta est Mundi ætas. Septima & postrema, quam sacri codices vocant *novissima tempora*, hoc toto tempore labitur, quo vitam ducimus, & cum Mundo finiente finietur. Nam octauam æternam fore, in cœlis, vel inferis, omnes norunt, qui verum Deum norunt.

---

C A P V T V.

*Epochæ defectioinum Solis & Luna.*

**I**N Epochis etiam numerari possunt Solis & Lunæ defectiones, quas eclipses, mutuato à Græcis nomine dicimus. Sunt enim temporum cœlestes notæ eaque, si recte obseruentur, certissimæ, maximeque in sua mutatione constantes: & ab ijs numerandi temporis principia duci possunt. Nihil enim vetat numerare annos ab ea defectioe Solis, quæ Astyage Medo regnante contigit, quam Thales philosophus multo ante prædixisse dicitur: aut ab ea eclipsi Lunæ, de qua imminente, contra Perseum postremum Macedoniae regem, certamine, Sulpi-  
tius